

Polonia,
Lida, 27. IX. 1924.
R. 10. X —

Vere aestimato Domino Professore et Caro Praesidente

Me age sincero gratias ad vos pro
epistula de 11. IX. a.c. et de 22. IX. a.c. et pro pretio
recommatione ad Senatu de Universitate
in Poznań.

In prima hebdomade de Octobre decisione
de Senatu jam i es noto.

Multo favorevole opinione super meo projecto
mitte ad me meo illustre compatriotas:
professores in universitate Baudouin de Courte
Dickstein et Gwardoncki, summo philosopho,
rectore de Universitate Leopoltanense [Lwów],
ergo me spera quod me i realiza creatione
de cathedra ~~pro~~ historia de lingua internationali

Sed officiale titulo de isto cursu vol es
(secundum opinione de Socio M. M. Kozłowski
et de Decano de facultate humanistico):
lectoratu de lingua internationale auxiliare
"Interlingua" - latino sine flexione.

Cursu vol probabile es incepto in anno acade-
mico 1926-1927, nam es possibile quod me
veni in proximo anno [1925-1926] ad Paris
et mane ibi aliquo mense. - Me spera quod
me i visita etiam vos et ^{cetero} ~~et~~ caro et honorato
consocios in Torino.

In die 27. IX. a.c. me mitte circa 22 dollar
per mandato postale ad consocio Prof. ~~Dr~~ Georgii
de Kolovrat et me preca illo ut, statim transmitti
isto summa ad vos. - Transmissione de pecunia

Me non pote imprimere, "Revista" in Polonia,
nam pretio de publicatione es in meo patria
multo plus alto quam in Italia [1500 exemplares
habe pretio de 300 trescento (!!) dollars]

Me spera quod honorato consocio Ing. S. Canessa
etiam in futuro da ad me suo pretiosa auxilio
in publicatione de "Revista". - Me puta ~~quod~~
tale periodico es multo utile instrumento
de propaganda et indispensabile pro cursu
de l.s.fl. in universitate. - Sed si fautores
de Interlingua non mitte ad me articulos
pro publicatione, illo non pote vive per longo
tempore.

Annuntio meo super cathedra de "Interlin-
guistica" mane sine echo: nullo consocio mitte
ad me necessario libros. - Me pote gratis
professa in universitate, sed me non habe
pecunia pro manuales, vocabularios etc.
de vario systemas.

Me habe in meo bibliotheca libro de consocio
Guérard "A Short History", sed in nullo loco
pote es invento libros de Couturat et Leau:
"L'Histoire de la langue internationale"
"Les nouvelles langues universelles"

Etiam collectione de "Discussiones" non es completa
me habe solo: N^o 1, 2 / 1909 # N^o 3, 4, 5, 6, 7 / 1910
tomo II: N^o 2, 4, 5 / 1911 # tomo III: N^o 2, 3, 4, 5, 6, 7 / 1912
tomo IV: N^o 1, 3 / 1913

manu 2.13 3.11, 4.2

Me componere nunc N^o 2 de „Revista”; me precava
vos - Honorato Dominio Presidente - de bene-
volo fac translatione de „Li Carre”, publicato
ab socio de Wahl in suo „Kosmoglott” (N^o 4 ex 1922,
pag. 20) et me inserere isto translatione in proximo
numero de „Revista” [me vol ut isto translatione
es facta ab ipso caelebre auctore de „Interlingua”]

An Academia habe check-conto postale
in Italia? me desidero nosce numero de isto
conto pro pote publica illo in „Revista”.

Meo check-conto postale in Polonia, N^o 80,569
facilita abbonamento de meo periodico.

Comocio Prof. Dr. Piccoli promitte ad me
publicatione de annuntio in periodico
italiano super meo projecto, etiam scribe ad me
quod vol transmittit ad me proprio publica-
tiones super problema de Lingua Internationali
sed usque ad praesente illo tace.

Etiam Ing. Canesi et Prof. Pastore non respon-
ad meo epistulas. —

Me scribe ad vos statim quando me sci
decisione de Senatu Academico.

Me transmittit ad vos cordiale saluta-
tiones et expressione de meo alto respectu

Vostro devoto

Jexierski